

Oglasilo se Tužilaštvo BiH o Radovanu Viškoviću: Postoji predmet

Tužilaštvo Bosne i Hercegovine, u Posebnom odjelu za ratne zločine, ranije je formiralo predmet koji se odnosi na više osoba, uključujući i Radovana Viškovića, aktuelnog premijera RS.

“U Tužiteljstvu Bosne i Hercegovine, u Posebnom odjelu za ratne zločine, od ranije je u radu predmet koji se odnosi na više osoba, te između ostalog i na osobu koju navodite u upitu. Više informacija ili detalja ne možemo davati”, saopćili su iz Tužilaštva BiH.

Naveli su da u Posebnom odjelu za ratne zločine ima više od 4.100 prijavljenih osoba iz svih krajeva BiH, prema kojima se postupa na isti način.

Podsjetimo, Memorijalni centar Srebrenica pozvao je Tužilaštvo Bosne i Hercegovine da pokrene istragu o krivičnoj odgovornosti premijera RS-a Radovana Viškovića.

Naime, kako su iz Centra naveli jutros, zahtjev pokreću zbog navoda zaštićenog svjedoka M-16 koji je na Sudu BiH 2017. godine da mu je Višković nudio novac za premještanje masovnih grobnica.

Ovo je izazvalo brojne reakcije i pozive na procesuiranje.

Inače, portal Istraga.ba objavio je ovo zaštićeno svjedočenje, čiji transkript ide ovako:

Svjedok M-16: Stajo je tu. Opkoljeno ti kompletno, znaš. Sve to razvaljeno. On je tu stajao. Bilo je vojske, starješina, a čuo sam ovo. Dolazi oficir, pošto sam saznao, bio je pomoćnik komandanta glavnog štaba za saobraćaj, Radovan Višković. Sad direktor.

Tužilac: Višković?

Svjedok M-16: Višković Radovan. Direktor je on sada, ustvari, upravnik Transporta i narodni poslanik SNSD-a u Republici Srpskoj (godina 2007., op.a). Višković Radovan kaže sada ćemo, kaže, ovaj, dobio sam naredbu Glavnog štaba, tražit ćemo od Boksita kamione, autobuse i mašine, sad će oni biti deportovani gdje treba. To sam čuo i ovi će s njima biti deportovani.

Tužilac: Mašine kad je rekao, šta onaj?

Svjedok M-16: Autobuse, kamione, a i mašine ćemo tražiti od upravnika Transporta. Da sa njima završimo tu, da se mnogo ne stvara ovdje, da ih pobije i da..

Tužilac: To je ovaj Višković rekao.

Svjedok M-16: Da, rekao.

60

SHARES

[Share on Facebook](#)

[Tweet](#)

[Follow us](#)

[Share](#)

[Share](#)

[Share](#)

[Share](#)

[Share](#)

Date: 18-09-2020